

續修廣饒縣志卷五

政教志

政黨一

國民黨 共和黨

近代民權發達各國政體多趨於民主共和而革命政黨爲推動社會政治進化之先驅中國爲世界革命潮流所激盪亦有革命政黨之組織本縣革命醞釀及黨會組織關係於社會政治之事跡有足述者志政黨

本縣黨會有國民黨共和黨兩派分列如下

國民黨 孫中山先生提倡國民革命組織會黨自興中會同盟會國民黨中華革命黨中國國民黨凡四時期其間名稱雖有續修廣饒縣志 卷五 政教志 政黨 一 濟南五三美術印刷社承印

不同主義則始終一貫總期實行三民主義挽救中國爲目的精誠無間百折不回運動既久附和日衆卒顛覆君政建設共和茲將本黨在縣中活動及組織分期述之

(甲)同盟會時期 本縣有民族革命醞釀自同盟會始民國紀元前七年中國同盟會成立於日本東京山東繼有同盟會支部之設立宣言總章已見中山全書中黨會活動於本縣則自辛亥革命起鄧天一發動諸城光復之役李少卿參加青州獨立運動縣中學界咸受革命思潮激盪是年十二月張立垣延峻三等率領學界在縣城開會提倡民權被清吏董大年派兵驅逐革命同志因不能在縣活動赴煙台投入民軍者有劉

超民延秀山李訪佐等多人旋南北停戰議和獨立運動停止  
民國元年四月鄧天一張立垣李少卿等因董大年有貪污劣  
跡糾合同志回縣將其驅逐遂成立樂安同盟會支部並督促  
新任縣知事王文域推進各項新政其主要工作即倡辦學校  
取締私塾派人赴鄉調查私塾勸其改良同時又促成縣議會  
選舉當時縣議會議員同盟會會員居多數

(乙)國民黨時期 民國元年八月中國同盟會由宋教仁策  
畫合并統一共和黨國民共進會共和實進會國民公黨四黨  
爲國民黨以與共和黨對抗其政綱組織詳載中國政黨史及  
國民黨沿革中本縣同盟會名稱因總部之改革亦改稱國民

續修廣饒縣志

卷五

政教志 政黨

二

濟南五三美術印刷社承印

黨事務所設於文昌閣黨員活動率注意於第一屆國會及省  
議會議員之選舉鄧天一獲選爲衆議院議員李少卿當選爲  
第一屆省議會候補議員均由黨員活動之力也民國二年十  
一月袁世凱下令取消國民黨本縣國民黨支部因之解散會  
員名冊亦於此時銷燬

(丙)中華革命黨時期 二次革命失敗孫中山先生亡命日  
本鑒於國民黨員多數變節不足與言革命救國之大業乃結  
合舊有革命同志於民國三年重組中華革命黨設總部於東京  
設支部於各地以貫澈革命救國之主張國內支部專事實行  
海外支部專事籌款其宣言方畧章程組織詳於中山全書中

其時鄧天一亡命海外與吳大洲等在大連設中華革命黨山東支部本縣同志李少卿遙通聲氣藉段河小學教員職務進行革命鼓吹當時一般青年受其宣傳奮起革命者甚衆民國五年討袁軍起周村濰縣均揭義幟本縣參加是役者有鄧天一李少卿延毓祺延瑞祺劉超民李郁廷蘇文田徐廷勳李履菴等數十人

(丁)中國國民黨時期

(一)教育改進會之組織自民國八年五四運動發生全國學生思想不變愛國團體紛起組織此時孫中山先生出其孫文學說發刊建設雜誌以領導國民本縣李郁廷同志赴

上海出席學生會歸時帶來書籍多種在濟南及縣中各學校從事傳播民國九年孫總理改中華革命黨爲中國國民黨各地繼續組織黨部進行介紹黨員本縣乃成立廣饒教育改進會以作活動機關除宣傳三民主義外並發佈改進教育計劃書民國十三年選送黃浦軍官第一期學生李玉堂李延年項傳遠李殿春並於是年夏又送第二期學生韓金諾預備軍事工作迨孫總理北上提倡國民會議十四年二月本縣同志乃集中教育改進會籌備國民會議之進行因文字宣傳涉及縣政黑暗觸邑令韓樹言之怒將李郁廷李寰秋非法逮捕教育改進會因之停頓

(二)區分部成立民國十五年二月縣中黨員達二三十人即遵照黨章組織五區分部區分部地址設於中李莊延家集劉家集龍泉寺南十里堡等各莊小學斯時適張宗昌督魯對於黨員緝捕嚴厲黨之活動多半從事於徵求黨員宣傳農民以求擴大黨的組織鞏固黨的基礎並選送黃浦軍校第五期學生李寰秋繼送第六期學生張華德是年四月省黨部在濰縣召集全省代表大會討論黨務進行計劃代表本縣黨部出席者有李郁廷延安吉二人是年秋北伐軍克復武漢繼續北進其時需要北省同志到軍中宣傳協助軍事工作本縣遂送延春熙延家駿李元魁謝子亮劉雪門

續修廣饒縣志

卷五

政教志 政黨

四

濟南五三美術印刷社承印

等五人前往漢口加入國民革命軍總政治部宣傳大隊

(三)縣黨部成立十六年三月省黨部派監選員王桂山到縣監選成立正式縣黨部選李少南任常務委員李劍霜任組織委員李少梅任宣傳委員徐劍秋任農民部延賓廷任商民部劉英才任工人部韓壽甫任青年部是時革命空氣愈形緊張工作範圍逐漸擴大以學校為培植革命人材基礎遂在北臥石龍泉寺大王橋創設高級小學作為黨部宣傳機關並培養革命人材所有教員均由黨員担任此為當時重要工作餘則各處組織農民協會辦理夜校並組織教育會本縣農民團體之組織肇基於此

(四)舉行清黨及二屆改選民國十六年夏定都南京舉行清黨本省省黨部因受張宗昌壓迫負責人員潛往南京本縣黨部與上級一切消息隔絕遂派李少南王桂山赴上海南京接洽請示清共問題及黨務進行方針回縣後將擔任商民部之延賓廷工人部之劉英才二人開除黨籍遺缺以王建勳黃壽軒補充十七年二月全縣代表大會開會選舉李少南任常務委員李劍霜任組織委員李少梅任宣傳委員徐劍秋任農民部黃麟書任商民部黃壽軒任青年部王建勳任工民部是年春革命軍二次北伐本省各地籌備響應於是益都壽光廣饒博山各縣同志在益都召開會議本

縣派李少南參加是年五月濟南佔領青州獨立本縣同志齊集大王橋宣佈公開縣黨部遂遷移城內明倫堂辦公並發佈宣言召集各界代表舉行會議公推陰毓淮爲臨時縣長維持地方秩序嗣黃逆到縣自稱司令警備隊長劉振吉受其改編擴充勢力搜括民財進而佔據壽光臨淄博興高苑並攻打益都公然與政府爲敵縣黨部見黃逆於入城之始有反動表示乃相率出城遷於青州甲種實業學校一面電請省政府出兵討伐一面與益都壽光等縣代表赴濰縣面請民團軍劉荆山率兵西攻後劉軍潰敗縣黨部仍留青州辦公

(五)指導委員會成立民國十七年七月省黨部指導委員會成立辦理全省黨員登記委任李少南李曜東王桂山鞏憲文王德祿爲本縣黨務指導委員着手辦理黨員登記以前全縣黨員一百四十五人至是舉行登記者僅得八十二人

(六)第三屆執行委員會民國十八年一月指導委員會結束是時在壽光鮑家莊召開全縣第三次代表大會監選員王吉崑監選舉李少南陳質齋黃壽軒李少梅李劍霜爲執行委員李曜東李龍甫龐景周爲候補執行委員鄧次忠黃麟書黃漢源爲監察委員王建勳爲候補監察委員正式縣

黨部再告成立是年五月日軍撤退省府及省黨部遷回濟南黃逆鳳岐亦被任軍驅逐縣黨部即於此時遷回縣城委派李潛堂等爲農民協會籌備委員領導組織農民協會派李龍甫李化龍謝菊芳宋貽庚龐景周等爲農民協會整理委員從事整理農會工作成立鄉農民協會一百五十六處區農會八處全縣會員共五千六百一十九人至十九年四月委任李聘三鄧次忠徐劍秋等爲工會整理委員當時各業工會共成立十二處會員共五百二十人又委任謝次貞燕蕪堂高咸亨等爲商民協會整理委員着手商民協會之整理黨務工作正在進行而北平擴大會議成立晉軍佔領

濟南雜軍高玉璞於七月自博興到縣縣中局面驟變黨務工作受其影響暫行停頓九月間晉軍退却省黨部由青島遷回濟南縣內秩序漸行恢復旋與教育當局計劃擴充縣立小學以貫徹教育改進會時之主張各校教職員任用儘先由黨員中挑選自是黨務工作即致力於教育事業

(七)區黨部執監委員會民國二十年第三屆執監委員期滿七月省黨部派劉心沃到縣監選召開第四次全縣黨員大會票選黃壽軒李少南王桂山爲縣區黨部執行委員陳質齋李少梅爲候補執行委員徐秀卿爲區黨部監察委員鄧次忠爲候補監察委員以在縣黨員人數減少不足八十

人之數照章應改爲縣區黨部各委就職後即與縣長何鎮中舉辦鄉鎮長訓練班由同志充任該班義務教員自二十一至二十三年間重要工作多致力於識字保甲衛生造林各項運動餘如宣傳放足破除迷信等事無不努力推進二十三年秋中央土地委員會舉辦全國土地調查縣黨部全體同志分赴各鄉躬親調查其餘工作載在黨內記錄難以悉述

### 共和黨

(一)共和黨之由來及政綱 民國元年共和告成海內志士多致力於政治運動因此政黨繁興各立政綱以資號召然皆

不及同盟會勢力之雄厚新發生之政黨互相聯合謀與同盟

會相抵抗於是民社黎元洪在武國民協進會北京官僚政國

民黨伍廷芳溫宗堯所組織與同國民公會舊官僚統一黨張

所組五團體合組為共和黨以與同盟會對抗其政綱如下

(子)保持全國統一而採取國家主義

(丑)以國家權力扶持國民進步

(寅)應世界大勢而以和平實利立國

(二)共和黨縣支部之成立 自共和黨於民國元年五月成

立後得袁世凱協助勢力大張由中央達於各省皆設支部以

為操縱國會省議會選舉之準備邑人焦梅清因臨時省議會

續修廣饒縣志

卷五

政教志 政黨

八

濟南五三美術印刷社承印

競選失敗投入該黨受山東支部委派到縣組織共和黨部其

主要黨員有隋葆琪張元文其餘數十人率皆守舊士紳工作

目標在運動省議會及國會之選舉後隋葆琪獲選為省議會

第一屆議員即其黨之効力至民國二年四月國會開幕民主

黨見國民黨議員過多自知不敵遂與共和黨統一黨合組為

進步黨以活動於國會中為袁政府張目是年十一月四日袁

世凱取消國民黨各政黨同時無形消滅本縣共和黨亦即停

頓